



Claudii Fleurii Abbatis Historia Ecclesiastica

Ab anno Christi 1546. usque ad annum 1549

Fleury, Claude

August. Vind. [u.a.], 1770

VD18 90118529

§. 91. De lapsu hominis, ejusque justificatione.

[urn:nbn:de:hbz:466:1-66608](https://nbn-resolving.de/urn:nbn:de:hbz:466:1-66608)

Sæcul. XVI. reliquos quinquaginta septem mo-
A. C. 1549. rum Reformationem concernentes con-
tinet. Primo, Ecclesiæ fides circa My-
sterium SS. Trinitatis explicatur juxta
tria Symbola Apostolorum, Nicænum,
& D. Athanasii.

II. Deciditur, *Deum conditorem, con-*
servatorem, & gubernatorem esse rerum
omnium, in pœnis, & vindictis justum si-
mul, & misericordem, in donis liberalem,
omnis quidem boni, sed nequaquam mali cul-
pæ auctorem.

III. *Hominem a Deo creatum esse or-*
natum justitia, & gratia in voluntate ad bo-
na, malaque appetenda liberum.

§. XCI.

De lapsu hominis, ejusque justifi- *catione.*

Quarto demum articulo declaratur,
quod primus homo, cum mandatum
Dei conditoris sui prævaricatus esset, san-
ctitatem, gratiam, & justitiam, in qua e-
rat constitutus, justissimo Dei judicio am-
serit.

V. *Hoc primorum hominum peccatum,*
propagatione in omnes homines transit, ac
secum pœnam suam trahit, ut sint natura
omnes homines iræ Dei, mortis, & damna-
tionis rei, & in peccatum proni.

VI. Ho-

VI. Homines sola Dei misericordia per Sæcul. XVI.
Redemptionem, quæ est in Christo Jesu, li-
berantur, qui infirmitates, & lanquores no-
stros in se suscipiens, & peccata nostra in
cruce perferens in corpore suo, Patri nos
reconciliavit; ut satisfactionem pro delictis
nostris, quam in nostris meritis non inveni-
mus, de Christi Sanguine & meritis ejus
assumamus: cui dum per baptismum inseri-
sur, per Spiritum Sanctum mundamur,
& omnem reatum, quem nascendo, vel pro-
prie peccando contraximus, renascendo e-
xuimus, & ab omni prorsus peccato libe-
ramur.

A.C.1549.

VII. Hac ratione justificantur homines,
cum qui immundi & natura iræ filii, &
damnationis rei sunt, per Christi meritum
peccatorum suorum remissione impetrata,
renovantur spiritu Dei per Christum secun-
dum internum hominem: ut jam justificati
gratia ipsius, & reconciliati Deo, & ab æ-
ternæ damnationis reatu absoluti, hæredes
sunt secundum spem vitæ æternæ: talis au-
tom justificationis initium ex Dei gratia pro-
venire, qua ante omne meritum, dum ad-
huc inimici, & peccatores eramus, excitati
& adjuti, & eidem gratiae sic excitanti,
& adjuvanti consentientes & cooperantes,
ad justificationem disponimur, quatenus per
meritum Passionis Christi, quod jam cre-
denti communicatur, cum venia peccato-
rum, homo etiam Dei gratiam, & per Spi-
Hist. Eccles. Tom. XXXIX. Aaa ri

Sæcul. XVI ritum Sanctum una cum fide, simul charita-
A. C. 1549. tem in corde diffusam, ac spem accipit,
 hisque Dei donis in ipso permanentibus, non
 jam solum reputatur, aut nominatur, sed
 vere existit iustus: non tamen sua propria,
 aut suis meritis comparata, sed ex gratia
 Dei per Christum donata, & communicata
 iustitia: itaque homo justificatur gratis per
 fidem, quia nullis præcedentibus meritis
 justificatio acquiritur, sed ex Dei Gratia
 per Christum.

VIII. Charitas vero nec otiosa, nec in-
 utilis permanet, sed operibus bonis gravida
 est secundum eam gratiam, quam in iustifi-
 catos influit Christus, ex qua dein bona i-
 porum opera promanant.

IX. Ex eadem gratia provenit, manda-
 torum Dei observationem renatis, ac iustifi-
 catis esse possibilem, non secundum natura-
 infirmitatem, quam habent cum aliis ho-
 minibus communem, sed secundum gratiam
 Christi, qua imbuti sunt, & secundum opem
 Spiritus Sancti, quem renati, ac iustifica-
 ti acceperunt: ut jam divinorum precepto-
 rum observatio renatis tanto sit possibilior,
 quanto majorem gratiam, eodem semper o-
 pitulante Spiritu, vel semel acceptam reti-
 nent, vel amissam novo subinde munere re-
 cuperant.

X. Ea vero libertas sua (quam lex spi-
 ritus, quæ est ipsa charitas, diffusa in cordi-
 bus nostris, nobis assert) a christianis in-
 telliga-

telligatur, non ut impleant ea, quæ in man-Sæcul. XVI.
datis Dei exiguntur; sed quatenus ad ea A.C. 1549.
adimplenda, non ut alii homines pænarum
metu, & imperio legis compellantur; sed
ea jam non inviti, immo vero volentes fa-
ciant.

§. XCII.

De Sacramento Baptismi.

Articulus undecimus præprimis agit de doctrina Sacramentorum, eorumque numerum septenarium definit, simulque decidit, ea non esse ritus simplices, quod quidam impie consingunt, sed sacrosancta signacula, & efficacia signa, quæ rite ea suscipientes gratiam eis conferendo sanctificant.

XII. Declarat, *Baptismi virtute omne prorsus peccatum tam originale, quam actuallē remitti, nec quidquam in rite baptizato relinquī, quod ab ingressu regni cœlestis remorari eum queat: concupiscentiam enim, quæ post baptismum in nobis ad agonem, non ad culpam, relinquitur, jam non esse peccatum vera ratione peccati, sed peccatum ob id appellari, quod per peccatum facta, & ex peccato relicta sit, & ad peccatum amplius inclinet.*

XIII. Profitetur, datum etiam parvulis in fide Ecclesiæ baptismum, ad abolen-dum originale peccatum, & ad salutem con-sequendam, efficacem esse, eumque semel rite,

A a a 2 etiam